

TE HEEHURAA API

I neia i te piha neneiraa na te Ekalesia a Iesu Mesia i te Fōia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoē.

Nu. 3.

Mati 1931.

Mat. 25.

To Iosepha Mana Peropheta

O teie ia te toru o te hoē mau haapiiraa i faaineinehia e te
Epitetopo Rahi no te mau Diakono; Ua faaauhia ei reō Tahiti e Edua.

I te ahuru ma vauraa a to'na matahiti, ua faaite Ioteſ ha
i to te ao nei i te huru no te fāraa mai o te melahi a te Atua
ia'na, e i rotopu i te mau mea i faaitehia mai ia'na e, e ohipa
ta te Atua i tuu mai ia'na ia rave. Ua parau mai oia e, eite-
hia to'na iōa no te maitai e te ino i te mau nunaa atoa e te
mau opu atoa e i te mau reō atoa i te ao nei. I te reira tai-
me aita i nehenehe i te hoē taata, maori râ na roto i te
mana Moá ra, e aore râ i te tohuraa, ia tohu mai i taua
mea ra. Tirara, ua tupu mau teie i te mau vahi atoa.

Aita e hoē taata i teie nei tau tei herehia e tei faaino-
hia mai ia'na te huru. Ua ite Satani e, mai te mea e faate-
ere-noa-hia teie ohipa ta te Atua i maiti na Iosepha e rave,
e faaorehia te rahiraa o ta'na mana i te ao nei, no reira,
ua faatupuhia te riri rahi roa i nia iho i teie peropheta nei.
E haereraa riáriá to'na. Ua tapuni te mau hamani ino i te

pae purumu ra. Noa'tu te reira, ua farii oaoa oia i te hau no nia maira, e ere râ te huru tei tupu na roto mai i te faaeearaa nehenehe mai te haapeapea-ore-hia.

I taua taime ra, ua fafau mai te melahi, o Moroni, ia Iosepha e, mai te mea e faaitoito noa oia i ta'na ohipa, e farii ia oia i te mau papairaa moâ no te feia tahito tei parahi i Amerika Apatoa e i Amerika Apatoerau atoa hoi, e e riro oia ei ravea i roto i to te Atua rima no te iritiraa e te neneíraa i taua papaa parau ra. E ua faaotihia teie ohipa e ono matahiti na muriáé, na roto i te iritiraa e te neneíraa o te Buka a Moromona.

I te hoé taime a iriti ai Iosepha raua o Olive Taudere i te papaa parau tahito na roto i te tanturu o te Urima e te Tumima, i Haramoni, Pennsylvania, ua faaite Iosepha ia Olive e, te faarue ra Davita Vitima i to'na iho fare, e te haere mai ra oia i roto i te pereoo puaahorofenua e tii mai ia raua e afai atu ia raua i te fare no to'na metua i Faete, i Niu Ioka. Ua faaite Iosepha i te taime ta'na i faarue i to'na fare; e i te vahi ta'na i tapae i te pô matamua; e ta'na taióraa i te tapao no te fare tipaeraa e te vahi ta'na i faaea i te piti o te pô; e ua faaite oia i te taime e te hora e tae mai ai oia.

I te hora no to Davita taeraa, ua haere Iosepha raua o Olive i te pae purumu ia farerei ia'na, mai te au ta Iosepha i tohu ra. Aita roa ta Iosepha e ravea ia ite i teie mau mea, maori râ na roto i to'na mana peropheta.

I te hoé taime i to Iosepha raua o te Epitesopo, o Nuela K. Whitney haereraa na roto i te tufaa apatoa o te fenna Inidiana, i roto i te pereoo puaahorofenua, ua horo vitiviti atu te puaahorofenua, e ua haamauiuihia to Nuela avae. A faaea'i raua i te fare tipaeraa i Greenville, i Inidiana, ua tae noa mai te mau hamani-ino-raa i nia iho ia raua, na te

reira
oioi r
e ua
oia ia
atu ia
raua
raua i
pahi,
atu a
to Nu
ti nei
tipaer
au i t
ine-or
pahi.
Ahiri
râ e ta
te ma

I
pha i
te hoé
Ua to
tufaa
pu i t
Ua fa
ne ia
fatu,
maui

U
te hoé
rahi ra
e a ma

reira i faatupu i te manaó i roto i te Peropheta ia haere oíoi raua e tia'i. Ua tae te Varua o te Fatu i nia iho ia'na e ua faaite oia i to'na taeae o Nuela, mai te mea e faatia oia ia haere atu i te poipoi, e tae mai te hoé pereoo e afai atu ia raua i te anavai, e te reira te hoé poti ia faauta ia raua i tera pae mai i te anavai. Ia tae i reira e faahoro raua i te puaahorofenua i te pae uahu, e e haere na nia i te pahi, o te fatata i te reva, e i te hora ahuru ma hoé e tere atu ai ia, e e tae atu hoi i to raua iho vahi. E mea puai to Nuela faaroo e ua faatia. Aita ta Iosepha e ravea tahu-ti nei ia ite i teie nei mau mea. Ua faarue raua i te fare tipaeraa i te poipoi aéra, e ua tupu te mau mea'toa mai te au i ta te Peropheta i faaite maira noa'tu to raua faaine-ine-ore-raa e to raua ite ore i te hora no te revaraa o te pahi. Ua oaoa Nuela no to'na fariiraa i te fafau a te Fatu. Ahiri raua i tia i e tae noa'tu i te poipoi na muri aéra, aore râ e tae noa'tu i te oraraa o to'na avae, ua farii ia raua i te mau hamani-inc-raa.

I te tau toetoe no te matahiti 1832-1833, ua farii Iosepha i te hoé mau heheuraa faufaa rahi. Ua horoahia mai te hoé i te 25 no Ditema, i te m. 1832, no nia i te tamaí. Ua tohu oia e, e tupu te hoé orurehau, o te haamata i te tufaa fenua Carolina Apatoa, o te riro ei tamaí rahi i roto-pu i to te mau tufaa fenua apatoerau e to te apatoa ra. Ua faaite mai oia, e ani to te mau tufaa apatoa ia Barata-ne ia tauturu mai, e e aro te mau taata títí i to ratou mau fatu, e e faaineine ratou no te tamaí, e e tae te pohe e te mauui i te mau aau e rave rahi. (B. F. 87.)

Ua rave-títí-hia, Iosepha ratou e te hoé mau taeae, e te hoé mau orurehau i Missouri, e ua parau ratou e, e taparahi ratou ia Iosepha ma. Ua tupu hoi te mau mea i te ino, e a manaó ai ratou e, aita e ravea ia ora ratou, ua ite Io-

sepha i te hoé orama tei faaitoito ia'na. I te poipoi aéra, parau atura oia i roto i te reó marû e te oaoa, i ta'na mau taeae, "A faaitoito, e ta'u mau taeae, ua tae mai te parau a te Atua ia'u i anapô nei o tei faaite mai e, e ora tatou, noa'tu te mau mea i faaoromaihia i roto i teie tîtnaa, eita te hoé o tatou e pohe." I muri aé i te reira ua faaorahia ratou mai tei au i tei tohuhia ra.

(E Tuatihia teie nei parau.)

Ia Ara Mai Te Taata i Ta'na Ohipa e Tia'i

A ara mai te mau taata tei taió i teie nei yea i te parau ta te Peropheta ra o Alama i parau i roto i te Alama i te pene 34:32-34.

"Inaha hoi, tei teie oraraa te taime ia faaineine te taata ia farerei i te Atua; oia ia, o te mahana ia, te mahana o teie nei oraraa, ia rave te taata i ta ratou ohipa. E teie nei, mai ta'u i parau na ia outou, ua tae mai ia outou te mau faaite e rave rahi, no reira te ao atu nei au ia outou e, eiaha outou e faaroaroa i te mahana o ta outou tatarahapa e tae roa i te hopea; no te mea i muri i te mahana o teie nei oraraa ra, o tei horoahia mai i te taata ia faaineine no te tau mure ore, inaha, ia ore outou ia rave maite i ohipa a parahi ai outou i te ao nei, e i reira e tae mai te pô pōiri, e e ore e tia ia ravehia te ohipa i reira. E ore e tia ia outou ia parau, a arataihia'i outou i taua hopea riáriá ra, e tatarahapa vau, e fariu vau i to'u Atua. Eita, e ore e tia ia outou ia parau i te reira; no te mea e mana â to taua varua, tei roto i to outou tino i te mahana e pohe ai outou ra, i nia i to outou tino i taua ao mure ore ra.

Ua tuuhia mai te taata i te ao nei ia aha? Teie ia, ia rave oia i te ohipa faaineinerāa i te hoé vahi no'na i te ao a muri atu ra. Te haapii mai nei te Peropheta o Alama,

teie ia te mahana e te taime, oia ia to te taata iho mahana i nia iho i te fenua ia faaineine oia ia'na iho ia farerei i te Atua. E mea pâpû e farerei faahou te mau taata i te Atua i te mahana haavaraa, oia ia te mahana e ite pâpû ai te mau taata i to ratou huru mau i mua i To'na aro.

Eaha te ohipa ta te taata e rave e tia'i? Teie ia, oia hoi te ohipa mâ i mua i te aro o te Atua e i te mau taata'toa.

Te ohipa hoi te afai i to te taata mau manaó i mua i te paari o te Atua; no te mea ia faaineine te hoé mau taata rave ohipa ia haere e farerei i to ratou mau raatira, e faanehenehe ratou, e e imi ratou i te mau peu mâ te afai ia ratou i nia i mua i te aro o to ratou raatira. E teie nei, te mau taata te vai ra to ratou mau raatira rii no te pae tino nei, ua ite ratou i te mahana e te hora e tii atu ai ratou i te moni no ta ratou ohipa. Te vai nei râ to te mau taata raatira rahi tei nia iho i te mau mea'toa. Oia hoi, te Atua, te raatira rahi no te ao a muri atu.

Aita roa te Atua i haapii mai i te hoé vahi, e faautua oia i te taata e mea hora, maori râ i te taime ta te taata e rave i te ohipa haafatataraa ia'na iho i te Atua, ei reira oia e haamaitaihia'i, e te vai ra te mahana haavaraa e faautuahia oia mai te au i te ohipa ta'na i rave ra.

E mau taata rave ohipa anaé te taata nei na te Atua. No reira ia rave anaé te taata nei i te ohipa afairaa i to'na mau manaó i mua i te imiraa i te paari o te Atua e to'na mau peu moá, ia au to ratou huru i To'na, ia tae te reira mahana ra. Ia ore to te taata nei huru e au i to te Atua, e ore atoa te taata e farerei ia'na maori râ no te haavaraa anaé.

Ua pâpû e, mai te au ta Alama i haapii mai nei, ia ore te mau taata e rave maite i ta ratou ohipa, e i reira te pôpouri e tae mai i nia iho ia ratou e ore e tia ia rave ratou

i te ohipa. No te aha? No te mea ua pee atu ratou i te Diapolo, e ua taa ê atu te Varua o te Atua ia ratou. Aita to ratou e maramarama no te mea, ua faaerehia Satani i te Varua o te Atua no ta'na orurehau. E mea ohie ia pee atu ia Satani, no te mea te haere noa nei oia i raro. A haamanoâ râ e, o te pee atu i te Atua e haere ia i nia no te mea na roto i te raveraa i te mau mea rave ata e roaa'i te ite e te paari no te Atua i te taata nei.

Aore roa e nehenehe i te taata e parau ia te mahana hopea, 'e fariu vau i te Atua,' no te mea ua oti to'na mahana, maori râ na te varua tei aratai i to'na tino i teie oraraa nei e faatere e aratai atoa hoi i te ao a muri atu.

Te haapii mai nei Ioane Pipi here i te hoê irava i roto i te Apokalupo 14:13. "E faaroo atura vau i te hoê reô no nia i te raî, i te na ôraa mai ia'u e, A papai na; E ao to te feia i pohe ma te faaroo i te Fatu e pohe ai ra: Te parau maira hoi te Varua, oia mau, ia faaea ratou i ta ratou ohipa, e e pee hoi ta ratou ohipa ia ratou."

Mai te mea e pee ta te feia parau tia ohipa ia ratou i tera ao, nahea te feia parau tia ore? E pee hoi ta ratou ohipa ia ratou iho no te mea aita atu â e taata e farii i ta ratou ohipa, maori râ o ratou iho.

A taiô na, te mau taata taiô vea, i teie nei maa parau iti, ia riro te reira e parau faaararaa no te haereiaa i mua.

—*Papahia e Coleman*

TE MAI VARUA

Te vai nei e piti huru maî i teie nei ao, oia hoi te maî tino, e te maî varua. Ua ite tatou i te raau no teie na huru maî e piti. Tei roto i te mau mohina e i te mau afata te raau no te pae tino, e mea ê râ te raau no te pae varua. Te vai nei taua raau ra i roto i to tatou aau.

Teie ia te maí o te varua: Mai te mea e haapao tatou i ta tatou iho mau hinaaro, e rave noa i te ohipa no te pae tino nei, e faaore i te mau ohipa ta Iesu Mesia i horoa mai ia tatou ia rave, e ia haapao ore tatou i Ta'na mau faaue-raa, e roohia tatou i te maí varua. No te mea, no te Atua mai to tatou mau varua, e ere no teie nei ao. Eita roa te varua epohe 'e mea mure ore ia,' e mai te mea e faaore tatou i te ohipa ta te Atua i horoa mai ia tatou ia rave, e mauui ia te varua, no te mea ua ite oia e pohe to'na hiero oia hoi, to tatou tino nei. Oia ia te maí o te varua ra, e o teie ia te raau na'na ra, oia hoi te tatarahaparaa. Eita e nehenehe i te tahi taata ia faaora i teie maí. O te taata iho ia te taote ra, ia tatarahapa oia e ora ia to'na varua. E ravea ohie teie ia haapao e aita'toa e moni i titauihia. E raau mau e e tano roa ia e eita ihora e hape.

No reira, e faaitoito tatou atoa e e riro hoi tatou mai ta te Atua i hinaaro. Teie to Iesu hinaaro i ta'na mau pipi nei, "ia pee i muri la'na e ia roaa i te taata te vahi teitei." Te ani atu nei au i te Atua ia tamâ i to tatou nei aau ia riro tatou mai la'na te huru.

Papaiahia e Amona

E TARIA TO'NA EI FAAROORAA RA A FAAROO MAI OIA

Ua oaoa te mau tamarii i roto i taua fare ra no te mea tei reira hoi to ratou mau hoa, e te faaineine ra ratou i te maa no te tamaaraa rahi ananahi i nia i te mau aivi ra. Ua opua aénei ratou ia haere i nia i te mau aivi ananahi e afai atu i to ratou maa no te hoé tamaaraa rahi i reira, e no reira te oaoa rahi e te itoitoe hoi i roto i te fare i taua pô ra.

Ua hoí mai te metua tane o taua utuafare ra no ta'na ohipa, e ua arataihia oia i rotopu i taua mau tamarii ra e

ua faaite ratou ia'na i te maa, to ratou mau ahu e te mau neneíraa hohoá ta ratou e afai atu i te mau aivi ananahi, e ua tupu atoa te oaoa i roto i te aaui o taua metua tane ra.

I muri mai râ ua haere atura oia i roto i to'na piha e ua hió oia i te barometa mai ta'na i rave i te tahi mau pô aênei. Aue hoi e, tei raro roa te taióraa o te reira, e ua ite ihora oia e tupu te vero ananahi. Ua haapâpû râ oia i to'na manaó na roto i te taióraa i te tahi mea i reira, tei faaite ia'na e, e tupu mau te vero rahi.

Ia oti te tamaaraa i taua pô ra, ua na ô atura te papa ia ratou: "Te manaó nei au e mea maitai ia faaea i te fare ananahi e eiaha e haere i te mau aivi ra.

Ua hió mai ratou ia'na e ua ui mai ratou i taua uiraa tahito ra, "No te aha ra?"

Pahono atura te papa; "No te mea e tupu hoi te vero rahi ananahi e e rari roa outou mai te mea e haere outou i te mau aivi."

Ua tupu to ratou mauruuru ore e ua tupu atoa hoi te riri. Ua aratai ratou i te metua i rapae au i te fare e ua na ô maira ratou, "A hió oe i nia."

Ua hió te papa i nia, ite ihora oia i te mau fetia i te raí ra. Aita roa e hoé ata i nia i taua reva ra. Ua tuu mai ratou i te na uiraa e rave rahi mai te uiraa ia'na; "Nafea ra te uâ e mairi mai mai taua raí nehenehe ra?" Noa'tu te reira ua parau faahou te metua, e uâ ananahi.

Ua riri ihora ratou ia'na e ua ere roa taua peropheta i te tura ra i roto i to'na iho utuafare.

I te poipoi aéra te vai noa ra te taióraa o te barometa i raro roa, e a haere mai ai te metua tane i roto i te piha tamaaraa, ua ite oia ua tauihia to'na parahiraa mai to'na vahi tahito, e ua tuuhia te reira i te hoé vahi tei haamaramaramahia i te maramarama mahana, ia ite pâpû oia e, e mahana maitai taua mahana ra.

A tamaa'i ratou ua parau mai te hoé o te mau tamarii:
 "Noa'tu i ta oe mau tohuraa, ua hinaaro matou e haere i
 te mau aivi i teie mahana, e mai te mea e farerei matou i
 te uâ e ho'i mai matou.

Ua faatia te papa, area râ ua faaite atoa'tu oia ia ra-
 tou, e rari roa ratou.

No reira i taua poipoi ra ua faarue ratou i te fare e ua
 afai atoa'tu ratou i ta ratou maa e te mau beneraa hohoâ e
 te tahi atu â mau mea, e ua haere atura ratou i te mau aivi.

Ua haere atoa te metua tane i ta'na ohipa. Ua afai
 râ oia i to'na pereue faarari e to'na fare amarara atoa.

I te ahiahi ra, ua poiri roa te ra'i e ua mairi puai mai te
 uâ e ua tupu atoa te mata'i rahi. Ua ho'i mai te metua i te
 fare, aore oia i rari. Ua peapea râ oia i te mau tamarii ra.
 Aita râ i maoro e ua ho'i atoa mai ratou---aue te huru o
 taua mau tamarii ra---ua rari roa ratou.

E i reira ua tupu te mea maere. Ua faahapa ratou i
 te metua no to ratou peapea e te uâ rahi hoi. Ua parau ra-
 tou e, oia ia te tumu no te uâ no te mea ua tohu mai oia e
 uâ e ua uâ ihora.

E feruri rii tatou i nia iho i taua aamu mau ra. O vai
 ia te tumu mau no taua uâ ra. O te metua anei---Aita roa
 ia. Ua taió oia i te mau tapao tei faaite mai e, e uâ. No
 reira ua tohu oia mai te au i te tapao.

Hoé â ia te mau peropheta a te Atua. No to ratou ite-
 pâpû-raa i te mau mea e tupu, e no ta ratou faaiteraa'tu i
 te reira na faahapahia e ua hamani ino-atoa-hia ratou. O
 ta ratou ohipa ia ia faaara i te taata i te mea e tupu a
 muri atu e no te faaroo ore o te taata aita roa oia i haa-
 pao e no reira oia e faautuahia'i.

Ia riro tatou ei mau taata paari e ara i te mau parau o
 te mau tavini a te Atua e tia'i, no te mea ua ite ratou i te
 mea maitai no te taata, e tariá to'na ei faarooraa ra, a faa-
 roo mai oia.

—Papaihia e Etuana

E Na Pupu Ite Toopiti

Ia feruri maite tatou i te parau i papaihia i roto i te Mataio 2:1-2, o tei na ô maira e, "E ia fanau Iesu i Betelehemema i Iuda, i te hau o te arii ra o Heroda, inaha, e taata paari tei haere mai i Ierusalema mai te hitia o te râ mai, e ua ui maira, Teihea te Arii fanau apî o te ati Iuda nei. Ite aênei hoi matou i to'na fetia i te hitia o te râ, i haere mai hoi matou e tahopu ia'na." E i te parau hoi i papaihia i roto i te Luka 2:8-11, o tei na ô maira e, "E tiaï mamoe tei taua fenua ra e tia i roto i te mau aua, i te tiairaa i ta ratou mau nănă i te mau araraa i te pô. E inaha, ua tia maira te hoé melahi a te Fatu i pihai'ho ia ratou, ua ati ihora ratou i te maramarama i te anaana o te Fatu, e rahi roa aéra to ratou mataú. Ua parau maira râ te melahi ia ratou, eiaha e mataú, inaha hoi e parau maitai ta'u e hopoi mai ia outou nei, o te riro ei oaoaraano te taata'toa. I nauanei hoi i fanau ai te Ora no outou i te oire o Davida, oia hoi te Mesia ra o te Fatu."

Ia feruri maitai tatou i taua parau nei, e tupu ia te uiraa, oia hoi, no te aha te Atua i maiti ai i teie na pupu taata e piti, no te aha aita Oia i maiti i te hoé aé pupu, oia hoi te mau taata paari anaé? Teie ia te tumu, oia hoi ia tia i te ite o te mau taata paari ia faaite i te fanauraa o te Mesia i te mau taata mana o te fenua nei. No reira atoa te Atua i maiti ai i te mau tiaï mamoe ia tia ia ratou ia faaite i te fanauraa o Iesu i te mau taata haehaa. Ahiri te Atua i maiti i te mau tiaï mamoe anaé, aita ia te feia mana o te fenua nei e ite i te fanauraa o Iesu no te mea aita ratou e farii i te parau na te mau taata haehaa, no reira ua maiti te Atua i teie na pupu taata e piti ei ite no te fanauraa o Iesu Mesia.

—*Papaihia e Tahiri á Toriki*

E
U
Marit
uru ia
mairi
neneil
i nia
to rau
Faran
I
Te ho
mai i
fenua
te pah
nehe ia
mau p
parari
haapa
mai i t
i paapa
pahi r
matapo
pae au
imi i t
auahi
ravera
mau p
taua p

Te Mau Parau Apî

E TAOA AROHA NA HOOVER, PERETITENI

Ua horoahia te hoé farii tiare i te Peretiteni no te Hau Marite e te Feia Apî o te Hau Farani no to ratou maururu ia'na no to'na tautururaa i roto i te tau tamaí rahi i mairi aénei. E mea nehenehe roa te reira farii tiare. Ua neneihia te hohoá o na raatira rahi toopiti o te Hau Farani i nia iho i te reira, o Lafayette e o Rochambeau to raua ia na ióa, e ua nenei-atoa-hia te tahi mau reva Farani i nia iho.

FATATA ROA I TE POHE

I te fenua i Tarafonia ua tupu te hoé ati i te pahi reva. Te hoí ra taua pahi reva afairaa rata mai te oire Roto Miti mai i ie oire ra Los Angeles e i to'na taeraa i fatata i te fenua ra ua tafifihia ia i te mau niuniu uira, paapaa ihora te pahi reva e ua topa maira te reira i raro, aita roa i nehenehe ia faatere i te reira, e te vai ra e maha taata i roto e te mau pute rata'toa. Ua ũ te hoé fare i taua pahi reva ra, parari ihora te fare e ua paapaa'toa ia. Hou iti aé rá i te haaparariraa i te fare na ouá mai te mau taata mai roto mai i te pahí e ua ora atura ratou maori rá te tahi mau vahi i paapaa-rii-hia i te auahi. Ua horo te na taata faatere pahi reva i roto i taua fare ra e ite atura i te hoé taata i matapoirihia i te auauahi, ua hopoi maira raua ia'na i rapae au e ua ora atoa oia. Ua haamata ihora ratou i te imi i te ravea ia iritihia te mau pute rata no roto mai i taua auahi ra, e ua faaite mai ratou i to ratou mataú ore i te raveraa i te reira ohipa. Ua roaa ia ratou te pae rahi o te mau pute rata. E 325,000 tara, moni Farani, te faufaa o taua pahi reva ra i haapauhia e te auahi.

E PAHI REVA API HOI

Ua faaite mai te hoé taata paari Farani, te imi nei oia i te mau ravea ia hamani i te tahi pahi reva apî ia tae atu i te avaé ra. Te manaó nei oia e pau paha e piti ahuru mirioni tara no te hamaniraa i te reira pahi reva. Ua faaite atoa mai oia e tae taua pahi reva ra i te avaé, i na hora e maha ahuru ma iva.

TE HAAPAHURAA PAPE HOOVER

I nia i te mau mouá teitei i te tooá ó te râ i te fenua i Amerika, e faatia te hau Marite i te vahi rahi farii pape. E hamanihia te hoé aua rahi tima i roto i te peho i reira, e na teie aua tima e tapea i te pape no te mau oire e te mau fenua faaapu e ati noa'é i taua vahi ra. E riro hoi teie te hoé ohipa rahi roa i ravehia e te hau Marite. E pau roa e 165 mirioni tara, moni Marite, ua au hoi teie i te 825,000,000.00 tara i te moni Farani. E parauhia taua aua ra i te haapahu raa pape o Hoover. O Hoover ia te ióa o te Peretiteni no te hau Amerika i teie nei. E faatia-atoa-hia te hoé oire rahi i pihaiho i te vahi raveraa ohipa no te mau taata rave ohipa. Ua manaóhia e parahi e 3,000 e aore râ e 4,000 taata i roto i taua oire ra, oia hoi te mau taata rave ohipa e to ratou mau utuafare atoa. E oti taua haapahuraa pape ra o Hoover i na matahiti e vau. E riro mau taua haapahuraa ra ei faufaa rahi no te reira mau fenua mouá ra.

TE FAUFAA I TITAUHIA

I roto i na matahiti e maha i mairi aénei, ua tamata te mau taata faatere pahi reva e rave rahi, ia faatere i to ratou pahi reva mai Amerika i Europa e mai ia Europa i Amerika na nia aé i te Moana Atalanatica. I taua na matahiti ra, ua moé roa e piti ahuru ma iva taata e e hoé ahuru ma piti pahi reva. Ua manuia ore te pae rahi o taua mau taata ra, e i teie nei tei roto hoi i te miti to ratou mau tino e to ratou mau pahi reva. Teie ia te faufaa i titauhia, ia imi te taata te mau ravea apî e te mau haereraa apî ia tere oíoi oia i tera fenua e i tera fenua.

M. Bonnet M. Gérant et Imprimeur,

Angle des rues Brèa et Dumont d'Urville, Orovini, Papeete.

Epita

a'i t

lake

i te

I te

veta

lake

taat

mon

rato

ua p

ra t

mat

ua f